

明·陳建撰 江旭奇補 明·刊本

皇明通紀集要 (一)

大瀛出版社有限公司印行

元明史料叢編 第三輯

皇明通紀集要(一)

六十卷 (明·刊本)

陳建
江旭奇

文海出版社
有限公司
印行

皇明通紀集要序

治天下有本孝是也昔
舜曰大文曰止武周曰
達皆於是而造其至也
後世不能徒標仁義道

德之名而去上古淳風

遠矣

臣旭奇

一介經生

七科不售無以仰答生
成淹忽老矣幸遭

聖明御極

宸駕臨雍乃得恭進孝經
以上襄至治蒙

恩嘉納寵錫一命之榮且

因是而

勅諭各省直督學諸臣首

重孝經

王言渙汗一舉措而普天
士子莫不津津誦讀猗
歟休哉亦足以贊揚

聖天子之孝治矣然孝治

天下又有本法

祖是也如徒勤繼述之心而
不克盡憲章之實孝猶
末也我

太祖高皇帝天縱聖神驅逐

胡元而乾坤再開無論
大經大法皆酌古準今
定爲畫一之制以垂示
無窮卽片言之

謨一事之

裂苟尊而行之治天下有
餘裕兼以

文
皇帝之峻德成功則天協
帝故紀綱法度益修而
益明也嗣後

列聖相承卽間出

睿思以求盡美要亦不過
於禮樂刑政間因時制
宜以裁成久道非別有
治術也故至今二百八

十年天下享平成之福
此豈後聖之聰明不及
前聖哉蓋

太祖當開國之初身歷兵荒
窺天人者深閱世變者

熟且一時從龍輔佐非
名世則大賢故立法精
詳垂

訓簡切允足莫安

社稷於億萬年無事也後

之

聖子

神孫卽聰明可以驟帝馳

王然當此太平世宙何

所用之惟有躬已南面

以守

二祖

列宗之成而已爲臣舍此而

別曰致君堯舜謂之孝

治可乎善乎先臣張居

正有言曰遠稽古訓不
若近事之可徵上嘉先
王不如家法之易守臣
因是而有感於今之學
士大夫矣咸思誦古而

不知法今考之經傳無
不萬言立對及時事小
有所嘗輒茫無所措此
無他耗心於帖括陳言
而於

祖宗之家法近事未之深究

耳臣自叨轉以來需次

閒居感

聖恩難報因將

國朝通紀諸書潛心叅閱